

Մ Ա Յ Ր Ա Թ Ո Ռ

Անցեալ Յունուար ամսի վերջերին Մայր Աթոռի ձեմարանում տեղի ունեցան շատ ցաւալի դէպքեր: Մանկավարժական ժողովը կարեւոր էր համարել ա. լսարանի երկու ուսանողի արձակել, պատճառ բերելով թէ նրանք փոքրերին ըմբոստութիւն են քարոզում ձեմարանի կարգերի դէմ և վիրաւորական ձեով քննադատութեան են ենթարկել ձեմարանի ուսուցիչներից մի քանիսի գաղաւթութիւնը:

Արձակուածների ընկերներից ուրիշ 24 հոգի էլ բարձրագոյն դասարաններից և լսարաններից միացան այդ երկուսին և յայտնեցին, որ իրենք ևս միանգամայն համաձայն են երկու արձակուածների հետ ձեմարանի այս տարուայ ուսումնական և վարչական մասի տխուր դրութեան նկատմամբ և ուրեմն եթէ դսրա մասին բոլոր յայտնելու համար արձակուում են նորա, իրենք էլ իբրեւ համամիտ, պարտք կ'համարեն դուրս գնալ նոցա հետ ձեմարանից: Աշակերտների մի այլ խումբ, 20—25 հոգի, խնդրում էր անաչառ քննութիւն նշանակել ամբողջ դործի համար:

Սակայն այս խնդիրն ու բոլորները մնացին անհետեւանք. հարկաւոր միջոցները չգործադրուեցան տարգլուխ երիտասարդներին յետ պահելու իրենց մտադրութիւնից, և յուզուած աշակերտներին հանդարտեցնելու: Քսան և չարս հոգին թողին կամաւոր կերպով ձեմարանը և գնացին: Նրանց հեռանալով դատարկուեցան ձեմարանի երկու լսարանները և այդ պատճառով վտանգ կայ, որ միւս տարի փակուին:

Արարատի այս համարը տպում ենք սովորականից կէս մամուլով աւելի. բայց դարձեալ հնարաւորութիւն չունեցանք բանասիրական և հրապարակախօսական կարեւոր պատրաստ յօդուածները տպել: Յոյս ունինք, որ Մարտից տպարանական վարչութիւնը կարող կլինի մեզ դիւրութիւններ տալ մի մամուլով մեծացնելու թերթիս ծաւալը:

Հետեւեալ համարից կպենք Գերապատիւ Տ. Սուքիաս արքեպիսկոպոսի յիշողութիւնները գարոցների փակման առթիւ իւր գէպի Պետերբուրգ 1884/3 թ. կատարած ճանապարհորդութեան մասին և Տ. Երուանդ վարդապետի գերմաներէնից փոխադրած՝ պրոփ. Տրեոլլի, Վրոնի և Կրոնի գիտութեան էութիւնը՝ շատ շահեկան յօդուածը:



ԿՈՒՆԱՍԻ Տ. ՓՈԽԱՐԲԱՅԻ ՆԱՄԱԿԸ ՎԵՀԱՓԱՌ ՀԱՅՐԱՊԵՏԻՆ

Վեհափառ հայրապետը Փոխարքայի այցելութեան ժամանակ շնորհեց կոմսին և կոմսուհուն ս. Յակոբ ՄԺՐՆԱյ հայրապետի մատուցներից մի կտոր՝ ամփոփած ձեռակերտ խաչի մէջ. յետոյ՝ այդ մատուցները իրանց մօտ պահելու համար շնորհեց կոնդակ օրհնութեամբ հանդերձ, որի պատասխան կոմսը շտապեց շնորհակալական հետեւեալ նամակը ուղարկել:

Ձ Ե՛Ր Դ ՍՐԻՈՒԹԻՒՆ,

Իմ և կնոջս անունից մատուցանում եմ մեր ի սրտէ շնորհակալութիւնը մեզ և մեր ընտանիքին ուղարկուած օրհնութեան համար:

Ս. Էջմիածին այցելելը մեզ մեծ բաւականութիւն պատճառեց և ես բախտաւոր եմ, որ շուտով կկարողանամ նորին Կայսերական Մեծութեան զեկուցանել Ձեզ հաւատացած հօտի Ձեր Սրբութեան կողմից վկայուած հաւատարիմ հպատակութեան մասին:

Ս. Յակոբայ ՄԺՐՆԱյ հայրապետի նշխարների մասը կպահենք և յոյս ունիմ, որ այս օրհնութիւնը իմ ամբողջ ընտանիքիս բախտաւորութիւն կը երէ և մեզ կարողութիւն կտայ մեր պարտքը կատարելու Ս. Գրքի պատուէրների համաձայն: Կոնդակի համար կրկին շնորհակալութիւն յայտնելով՝ յանձնում եմ ինձ և ընտանիքս Ձեր սուրբ աղօթքին:

Ձեր խոնարհ ծառայ

ԳՐ. ՎԱՐՈՆՅՈՎ-ԳԵԹՎՈՎ